

ԱՐԵՎԵԼՅԱՆ ՀԱՅԱՍՏԱՆԻ ԱՐՏՈՆՅԱԼ ԴԱՍԻ ԹՎԱՔՍՆԱԿՆ  
ՈՒ ԱԶԴԱՅԻՆ ԿԱԶՄԸ XIX Դ. ԵՐԿՐՈՐԴ ԿԵՍԻՆ

## ԱԶԱՏ ՀԱՄԱՐՅԱՆ

Պատմաբաններն ու տնտեսագետներն Արևելյան Հայաստանի արտոնյալ դասի պատմության հարցերին անդրադարձել են դեռ XIX դ.: Ս. Եղիազարյանը 1880-ական թվականներին նշել է, որ այդ դասն ինչպես Անդրկովկասում, այնպես էլ Երևանի նահանգում, բաղկացած էր հողատերերից կամ կալվածատերերից (մուլքարներ, թիուդարներ, բեգեր, մելիքներ, աղաներ, խաներ և այլն), քրիստոնյա ու մահմեդական հողեկորականներից, ցարական աստիճանավորներից ու վաճառականներից: Կալվածատերերն ու հողեկորականներն ապրում էին գերազանցապես դյուղում, իսկ վաճառականներն ու սլաշտոնյաները՝ քաղաքում:

Գյուղում բնակվողներն ունեին հողամասեր, զբաղվում էին երկրագործությամբ և իրենց վարքուբարքով, հասարակական զարգացման մակարդակով գրեթե չէին տարբերվում գյուղացիներից, իսկ քաղաքում բնակվողները գյուղում թեև ունեին հողամասեր, բայց դրանք մշակում էին ոչ թե իրենք, այլ նրանց հարազատները կամ վարձակալները: Նրանք զբաղվում էին պաշտոնավարությամբ, առևտրական գործունեությամբ և այլն: Պաշտոնյաներն ու կալվածատերերը, իբրև կանոն, աղատ էին պետական հարկերից ու տուրքերից: Վաճառականները դրանք վճարում էին, իսկ հողեկորականները, գյուղացիներն ցանկությամբ, կարող էին վճարել կամ չվճարել (մեծ մասամբ չէին վճարում):

Ս. Եղիազարյանը այնուհետև նշել է, որ արտոնյալ անձինք կոչվում էին նաև կողմնակի մարդիկ: Նրանց առանձնացումը ինքնուրույն դասի՝ իշխանությունների կողմից կատարվեց XIX դ. երկրորդ քառորդին և վերջնականապես ավարտվեց 1860-ական թվականների կեսերին: Մինչև գյուղական համայնքների մասին կանոնադրության հրատարակումը (1864) արտոնյալ դասի ներկայացուցիչներն ընտրվում էին համայնքի վարչական մարմիններում և ղեկավարում համայնքը: Դրանից հետո նրանք զրկվեցին այդ իրավունքից և հեռացվեցին համայնքի կառավարման ապարատից<sup>1</sup>:

Սովետական պատմաբաններն ու տնտեսագետներն ավելի խորացրին արտոնյալ դասի պատմության հարցերի մշակումը: Վ. Ռշտունին, Հ. Թումանյանը, Մ. Աղոնցը, Խ. Ավդալբեգյանը, Օ. Հովհաննիսյանը, Ե. Եգանյանը և ուրիշներ ցույց տվեցին ցարական կառավարության ու այդ դասի օրգանական կապերը, կալվածատերերի և գյուղացիների դասակարգային հարաբերությունները, բնութագրեցին կալվածատերերի տնտեսական գործունեության շափերն ու ձևերը, լուսաբանեցին գյուղացիական ռեֆորմի դասակարգային, հակագյուղացիական բնույթը, ապացուցեցին պետական ու գյուղացիական հողերի հափշտակումները կալվածատերերի կողմից, քննեցին տոհմիկ և ոչ տոհմիկ ազնվականության առաջացումը, տվեցին պետական, կալվածատիրական ու գյուղացիական հողատիրության պատկերը, վեր հանեցին արևելա-

<sup>1</sup> С. А. Егизаров, Исследования по истории учреждений в Закавказье. ч. I, Сельская община, Казань, 1889.

հայ գյուղում գոյություն ունեցող դասակարգային գլխավոր հակադրությունը և այլն: Չնայած այդ ամենին, Արևելյան Հայաստանի արտոնյալ դասի պատմությունը տակավին քիչ է ուսումնասիրված: Մինչ այժմ նրա մասին չկա մասնագիտական հետազոտություն: Փորձենք լուսաբանել այդ վճինախավի թվաքանակն ու ազգային կազմը, ցույց տալով XIX դ. երկրորդ կեսին կատարված փոփոխությունները:

Երևանի նահանգի նահանգապետի տվյալներով, 1857 թ. նահանգում հաշվվում էին 206 մելիքներ ու անձնական ազնվականներ, 4723 քրիստոնյա հոգևորականներ, 349 խաներ, 1818 բեգեր, 2351 աղաներ ու մուլաներ, ընդամենը՝ 9447 մարդ<sup>2</sup>, իսկ 1862 թ.՝ 110 ժառանգական ազնվականներ, 275 անձնական ազնվականներ, 212 մելիքներ, 147 խաներ, 3458 բեգեր, 64 աղաներ, 311 զինվորական աստիճան ունեցողներ և 5247 հոգևորականներ, ընդամենը՝ 9824 մարդ<sup>3</sup>:

Այդ տեղեկություններով կարելի է ընդհանուր պատկերացում կազմել արտոնյալ դասի առանձին շերտերի մասին, բայց դժվար է ցուցադրել նրանց քանակական աճը, քանի որ նահանգապետը մի դեպքում տվյալներ է բերում դրանց որոշ մասի վերաբերյալ, մյուս դեպքում չի բերում, մի դեպքում ներկայացնում է այդ շերտերն առանձին-առանձին, մի այլ դեպքում՝ միասին, մի դեպքում ոչ հարկատուների կամ արտոնյալների մեջ մտցնում է նաև Կողբի աղահատներին, մի այլ դեպքում շրջանցում է դրանց և այլն:

Երևանի նահանգի արտոնյալ դասի մասին համեմատաբար հիմնավոր են նահանգապետի և նահանգական վիճակագրական կոմիտեի 1865 թ. բերած տեղեկությունները: Ահա դրանք<sup>4</sup>.

Աղյուսակ № 1

| Արտոնյալ խմբերը               | Տղամարդ | Եին  | Ընդամենը |
|-------------------------------|---------|------|----------|
| ժառանգական ազնվականներ        | 77      | 53   | 130      |
| անձնական ազնվականներ          | 332     | 282  | 614      |
| խաներ                         | 66      | 57   | 123      |
| բեգեր                         | 1587    | 1477 | 3064     |
| մելիքներ                      | 147     | 101  | 248      |
| աղաներ                        | 21      | 19   | 40       |
| զինվորական աստիճան ունեցողներ | 22      | 19   | 41       |
| ուղղափառ հոգևորականներ        | 29      | 32   | 61       |
| յուսավորչականներ              | 1972    | 1512 | 3484     |
| հայ կաթոլիկներ                | 32      | 39   | 71       |
| մահմեդական հոգևորականներ      | 645     | 578  | 1223     |
| Ընդամենը                      | 4930    | 4169 | 9099     |

№ 1 աղյուսակից երևում է, որ հոգևորականներն ավելի շատ էին, քան աշխարհիկները: Ընդ որում, հոգևորականների մեջ մեծաքանակ էին լուսավորչականները, իսկ աշխարհիկների մեջ՝ բեգերը: Աղբյուրները, ցավոք, տեղեկություններ չեն տալիս վաճառականների մասին: Բայց հավանական է, որ նրանք փոքրաթիվ էին:

<sup>2</sup> «Сельское хозяйство и аграрные отношения», т. II, составитель проф. П. В. Гугушвили, Тбилиси, 1950, с. 662—663.

<sup>3</sup> Նույն տեղում, էջ 665:

<sup>4</sup> «Сборник статистических сведений о Кавказе», т. I, отд. I, гл. III, Тифлис, 1869, с. 6—9.

Անձնական ազնվականներն ու զինվորական աստիճան ունեցողները, ինչպես նշում է Վ. Ռշտունին, պետական պաշտոնյաներ ու զինվորական ծառայողներ էին<sup>5</sup>, իսկ ժառանգական ազնվականները, խաները, բեգերը, մելիքները և մասամբ աղաները՝ հողատերեր։ Ընդ որում, դրանցից շատերը տոհմիկներ չէին և ազնվականների շարքերն էին մտել կա՛մ պետական հողերը զավթելու և գյուղացիներին իրենց իշխանությունը ենթարկելու, կա՛մ էլ կառավարությանը մատուցած ծառայության դիմաց հողեր ու գյուղեր ստանալու ճանապարհով։ Դրանց կոչման օրինակառության հարցը պետք է քննվեր 1865 թ. ստեղծված բեգական հանձնաժողովի կողմից։ 1867 թ. այդ հանձնաժողովն ավարտեց իր աշխատանքները և քննելով 586 մարդու գործ, նրանցից 282-ին համարեց տոհմիկ ազնվականներ, իսկ 304-ին՝ ոչ<sup>6</sup>։ Հարցի լուծման ընթացքում, անշուշտ, իրենց դերը խաղացին շարաշահումները։ Սակայն ցարական պաշտոնյաները, ղեկավարվելով կառավարության սոցիալական հենարանն ամրապնդելու քաղաքականությամբ, ոչ տոհմիկներին չլրկեցին նրանց տիրույթներից։ Տոհմիկներին պաշտոնապես սկսեցին անվանել մահմեդական բարձր դասին պատկանող, իսկ ոչ տոհմիկներին՝ այդ դասին չպատկանող անձինք։ Իրականում այդ դասը բաղկացած էր ոչ միայն մահմեդական, այլև քրիստոնյա (հայ) հողատերերից։

XIX դ. 70—80-ական թվականների Արևելյան Հայաստանի արտոնյալ դասի մասին արժեքավոր տեղեկություններ են տալիս ընտանեկան ցուցակները։ Իշխանությունները դրանք կազմեցին 1836 թ.՝ զինակոչիկներ հավաքելու և հարկային գործը կարգավորելու համար։ Աշխատանքները ղեկավարեցին գավառապետները՝ իրենց օգնականների և այլ ստորադրյալների միջոցով, որոնք գյուղերում հրավիրելով ժողովներ, ճշտեցին ցուցակները և դրանք ուղարկեցին համապատասխան հաստատություններ։ Ցարական պաշտոնյաներն այդ ցուցակները կազմելիս տեղեկություններ հավաքեցին նաև արտոնյալ կամ ոչ հարկատու դասի մասին, չնշելով, սակայն, թե ո՞ւմ կամ ինչ խավեր նկատի ունեն դրա տակ։ Համենայն դեպս, նրանց տեղեկությունները որոշակի պատկերացում են տալիս 1870—1880-ական թվականների Նրևանի նահանգի արտոնյալ դասի քանակական աճի ու տեղաբաշխման մասին (տե՛ս աղյուսակ № 2)<sup>7</sup>։

№ 2 աղյուսակից երևում է, որ նահանգի արտոնյալ դասը 1873—1886 թթ. զգալիորեն աճել է, 1836 տնտեսությունից հասնելով 2250-ի։ Արտոնյալներն ապրում էին նահանգի բոլոր քաղաքներում ու գավառներում, բայց տարբեր քանակներով։ Քաղաքներից ամենաշատը բնակվում էին Նրևանում, իսկ գավառներինը՝ էջմիածնում։

1897 թ. մարդահամարի տվյալները հնարավորություն են տալիս ավելի բազմակողմանիորեն բնութագրել արտոնյալ դասը։ Նախ բերենք տեղեկություններ արտոնյալների ծննդավայրերի մասին (տե՛ս աղյուսակ № 3)<sup>8</sup>։

№ 3 աղյուսակից երևում է, որ Նրևանի նահանգի ազնվականության մեծամասնությունը նույն գավառում ծնվածներ էին։ Ապա մեծ էր այլ նահանգներում ծնված անձնական ազնվականների ու պաշտոնյաների թիվը։ Դրանք գերազանցապես ռուսներ էին, որոնք եկել կամ ուղարկվել էին Արևելյան Հա-

<sup>5</sup> В. А. Рштуни, Крестьянская реформа в Армении в 1870 г., Ереван, 1947, с. 155—157.

<sup>6</sup> «Отчет по Главному управлению наместника Кавказского за первое десятилетие управления Кавказским и Закавказским краями его императорским величеством великим князем Михаилом Николаевичем, 6 декабря 1862—6 декабря 1872 г.», Тифлис, 1873, с. 3—4.

<sup>7</sup> «Обзор Эриванской губернии», за 1886 г., вед. № 13.

<sup>8</sup> «Первая всеобщая перепись населения Российской империи 1897 г.», под ред. Н. А. Тройницкого («Общий свод по империи результатов разработки данных первой всеобщей переписи населения, произведенной 28 января 1897 г.»), LXXI, «Эриванская губерния», СПб., 1905, с. 24—25.

| Գաղաքներն ու<br>գավառները | 1873 թ.     |                       | 1886 թ.     |                       |
|---------------------------|-------------|-----------------------|-------------|-----------------------|
|                           | ձիերի թիվը  | տղամարդ-<br>կանց թիվը | ձիերի թիվը  | տղամարդ-<br>կանց թիվը |
| <b>քաղաքները</b>          |             |                       |             |                       |
| Երևան                     | 233         | 641                   | 315         | 997                   |
| Ալեքսանդրապոլ             | 99          | 274                   | 124         | 351                   |
| Նոր Բայազետ               | 16          | 69                    | 44          | 114                   |
| Նախիջևան                  | 123         | 347                   | 126         | 362                   |
| Օրդուբադ                  | 27          | 70                    | 13          | 37                    |
| <b>ընդամենը</b>           | <b>498</b>  | <b>1401</b>           | <b>622</b>  | <b>1864</b>           |
| <b>գավառները</b>          |             |                       |             |                       |
| Երևանի                    | 231         | 951                   | 252         | 1096                  |
| Ալեքսանդրապոլի            | 208         | 718                   | 261         | 1087                  |
| Նոր Բայազետի              | 120         | 338                   | 157         | 600                   |
| Նախիջևանի                 | 225         | 730                   | 207         | 827                   |
| Սուրմալուի                | 130         | 465                   | 164         | 603                   |
| Շարուր-Դարալագյազի        | 169         | 560                   | 241         | 551                   |
| Էջմիածնի                  | 255         | 1021                  | 346         | 1418                  |
| <b>ընդամենը</b>           | <b>1338</b> | <b>4833</b>           | <b>1628</b> | <b>6182</b>           |
| <b>հանրագումարը</b>       | <b>1836</b> | <b>6234</b>           | <b>2250</b> | <b>8046</b>           |

յաստան՝ պաշտոնավարության կամ զինվորական ծառայության համար: Ինչ վերաբերում է հոգևորականներին ու վաճառականներին, ապա նրանց մասին տեղեկություններ չկան: Սակայն կասկածից վեր է, որ հոգևորականների մեծ մասը նույնպես տեղացիներ էին:

| Ծննդավայրերը                      | Ժառանգական<br>ազնվական |             | Անձնական ազնվական-<br>ներ և պաշտոնյաներ |            |
|-----------------------------------|------------------------|-------------|-----------------------------------------|------------|
|                                   | տղամարդ                | կին         | տղամարդ                                 | կին        |
| Նույն գավառում                    | 3547                   | 3338        | 461                                     | 490        |
| Երևանի նահանգի<br>այլ գավառներում | 250                    | 251         | 176                                     | 133        |
| այլ նահանգներում                  | 711                    | 569         | 490                                     | 355        |
| ուրիշ պետություններում            | 21                     | 19          | 5                                       | 7          |
| <b>ընդամենը</b>                   | <b>4529</b>            | <b>4177</b> | <b>1132</b>                             | <b>985</b> |

Արտոնյալների ծննդավայրերի պատկերը համարյա այդպիսին էր նաև Արևելյան Հայաստանի այլ շրջաններում՝ Զանգեզուրում, Լոռիում, Իջևան—Շամշադինում և այլն<sup>9</sup>:

1897 թ. մարդահամարի տվյալներով կարելի է պարզել արտոնյալների առանձին խմբերի թվաքանակը: Երևանի նահանգում այն ուներ հետևյալ պատկերը<sup>10</sup>:

<sup>9</sup> «Первая всеобщая перепись...», LXIV, Елисаветпольская губерния, СПб., 1904, с. 26—27, LXIX, Тифлисская губерния, СПб., 1905, с. 35—36.

<sup>10</sup> Նույն աեղում, LXXI, Эриванская губерния, с. 30.

## Աղյուսակ № 4

| Արտոնյալներ                                            | Նահանգում |      | Քաղաքներում |      | Գավառներում<br>(առանց քաղաքների) |      |
|--------------------------------------------------------|-----------|------|-------------|------|----------------------------------|------|
|                                                        | աղամարդ   | կին  | աղամարդ     | կին  | աղամարդ                          | կին  |
| Ժառանգական աղնվա-<br>կաններ                            | 4529      | 4177 | 1527        | 1314 | 3002                             | 2863 |
| անձնական աղնվական-<br>ներ և ոչ աղնվական<br>պաշտոնյաներ | 1132      | 985  | 932         | 842  | 200                              | 143  |
| քրիստոնյա հոգևորական-<br>ներ                           | 3422      | 3109 | 605         | 473  | 2817                             | 2636 |
| Ժառանգական ու անձնա-<br>կան պատվավոր քաղա-<br>քացիներ  | 887       | 771  | 272         | 189  | 615                              | 582  |
| վաճառականներ                                           | 492       | 522  | 393         | 412  | 99                               | 110  |

№ 4 աղյուսակից երևում է, որ ժառանգական աղնվականները կազմում էին արտոնյալների հարաբերական մեծամասնությունը: Նրանցից հետո մեծաքանակ էին հոգևորականները, այնուհետև՝ անձնական աղնվականներն ու ոչ աղնվական պաշտոնյաները, ժառանգական ու անձնական պատվավոր քաղաքացիները, իսկ վաճառականները համեմատաբար սակավաթիվ էին: Երբ 1857 թ. մարդահամարի տվյալները համեմատում ենք 1865 թ. տեղեկությունների հետ, ապա տեսնում ենք, որ այն ժամանակ արտոնյալների մեջ հարաբերական մեծամասնություն էին կազմում հոգևորականները: Դա բացատրվում է նրանով, որ 1897 թ. մարդահամարը շրջանցել է մահմեդական հոգևորականներին: Եթե հնարավոր լիներ բերել նրանց թիվը, ապա հավանական է, որ արտոնյալների քանակական նախկին դասավորությունը պահպանվեր:

Արտոնյալների կազմի քանակական հարաբերությունը համարյա այդպիսին էր նաև Արևելյան Հայաստանի այլ շրջաններում<sup>11</sup>:

Մեր ձեռքի տակ եղած աղբյուրները հնարավորություն են տալիս նաև սլարգել, թե ինչ համամասնությամբ էր աճում Երևանի նահանգի ամբողջ բնակչության և արտոնյալ դասի քանակական հարաբերակցությունը<sup>12</sup>:

## Աղյուսակ № 5

| Տարե-<br>թվերը | Նահանգի ամբողջ<br>բնակչությունը | Աղնվականներ, հոգևորա-<br>կաններ, վաճառականներ | Տեղաբնակ<br>հարաբե-<br>րությունը |
|----------------|---------------------------------|-----------------------------------------------|----------------------------------|
| 1865           | 437.717                         | 9.099                                         | 2,7                              |
| 1873           | 535.040                         | 12.400 <sup>13</sup>                          | 2,3                              |
| 1886           | 652.096                         | 15.368                                        | 2,3                              |
| 1897           | 829.556                         | 18.368                                        | 2,2                              |

<sup>11</sup> Նույն տեղում, LXIV, «Карсская область», СПб., 1900, «Елисаветпольская губерния», с. 2, LXIX, «Тифлисская губерния», с. 2.

<sup>12</sup> «Сборник статистических сведений о Кавказе», т. I, отд. I, гл. III, с. 8, «Обзор Эриванской губернии» за 1886 г., вед. № 12—13; «Первая всеобщая перепись...», LXXI, «Эриванская губерния», с. 2.

<sup>13</sup> Երևանի նահանգապետի 1886 թ. հաշվետվության մեջ ցույց է տրված միայն տղա-  
մարդկանց թիվը՝ 6234 մարդ: Եթե ընդունենք, որ այդքան էլ կին է եղել, ինչպես դա հաշվում  
էին վիճակագրության մեջ, կստացվի 12468 մարդ:

№ 5 աղյուսակի տվյալները ցույց են տալիս, որ արտոնյալ դասն աճում էր համարյա այնպիսի տեմպերով, ինչ ամբողջ բնակչությունը: Եվ դա բնական է, քանի որ արտոնյալները, ապրելով առավելապես գյուղում, ենթարկվում էին այն դեմոգրաֆիկ օրինաչափություններին, ինչ գյուղացիները: Զիշտ է, 1865 թ. արտոնյալների տոկոսը փոքր-ինչ ցածր էր, քան հետագա տարիներին, բայց դա այն բանի հետևանք է, որ 1865 թ. աղբյուրներում չի բերվում վաճառականների թվաքանակը: Տվյալներն այնուհետև ցույց են տալիս, որ ինչպես դարի կեսերին, այնպես էլ վերջերին, արտոնյալները կազմում էին երկրի բնակչության աննշան փոքրամասնությունը: <sup>14</sup> Բնվող հարցի հանգամանորեն ուսումնասիրման համար անհրաժեշտ է ժառանգական ազնվականներին, այսինքն՝ կալվածատերերին կամ հողատերերին՝ առանձնացնել մնացած արտոնյալներից՝ պաշտոնյաներից, հոգևորականներից, զինվորական ծառայողներից ու վաճառականներից: Դա կարելի է անել միայն մոտավորապես, քանի որ արտոնյալների ոչ կալվածատիրական խմբերի որոշ մասը նույնպես ուներ ընդարձակ հողատիրափոխություններ: 1897 թ. տվյալներով ժառանգական ազնվականները կազմում էին 8706 մարդ կամ արտոնյալների 47, իսկ Երևանի նահանգի ամբողջ բնակչության շուրջ 1% -ը<sup>14</sup>: Ահա այս աննշան փոքրամասնությունը տիրում էր զգալի շահի հողեր և շահագործում նշանակալի թվով գյուղացիների:

Մեր ձեռքի տակ եղած նյութերը հնարավորություն են տալիս ներկայացնելու Արևելյան Հայաստանի նաև այլ շրջանների արտոնյալ դասի թվաքանակը: 1897 թ. մարդահամարի տվյալներով Կարսի մարզում, Զանգեզուրի, Ղազախի ու Շուշվա գավառներում բնակչության և արտոնյալների թվաքանակը հետևյալ պատկերն էր ներկայացնում<sup>15</sup>.

Աղյուսակ № 6

| Երկրներ          | Բնակչություն<br>թիվը<br>(մարդ) | Արտոնյալների թիվը (մարդ) |                    |                   |               | Արտոնյալների<br>և բնահանուր<br>բնակչության<br>տոկոսային հա-<br>բարեբությունը |
|------------------|--------------------------------|--------------------------|--------------------|-------------------|---------------|------------------------------------------------------------------------------|
|                  |                                | ազնվա-<br>կաններ         | հոգևորա-<br>կաններ | վաճառա-<br>կաններ | ընդա-<br>մենը |                                                                              |
| Կարսի մարզ       | 290654                         | 2866                     | 1332               | 241               | 4439          | 1,5                                                                          |
| Զանգեզուրի գավառ | 137871                         | 6015                     | 859                | —                 | 6874          | 4,9                                                                          |
| Ղազախի գավառ     | 112074                         | 3369                     | 325                | 15                | 3709          | 3,3                                                                          |
| Շուշվա գավառ     | 138771                         | 7588                     | 1484               | 597               | 9669          | 6,8                                                                          |
| Բորչալուի գավառ  | 128587                         | 2130                     | 838                | 19                | 2987          | 2,1                                                                          |

№ 6 աղյուսակից երևում է, որ արտոնյալները մեծաթիվ էին Շուշվա ու Զանգեզուրի գավառներում, կազմելով բնակչության 4,9—6,8% -ը: Դա 2—3 անգամ ավելի էր, քան Երևանի նահանգում: Արտոնյալները զգալի թիվ էին կազմում նաև Ղազախի գավառում: Կարսի մարզում նրանք համեմատաբար քիչ էին: Հատկանշական է, որ Զանգեզուրի ու Ղազախի գավառներում վաճառականներ չկային կամ համարյա չկային, որը պայմանավորված էր քաղաքային կյանքի բացակայությամբ:

Անդրադառնալով արտոնյալների բնակչության վարքերին, պետք է նկատել, որ ինչպես Երևանի նահանգում, այնպես էլ Արևելյան Հայաստանի այլ շրջաններում, նրանք ապրում էին առավելապես գյուղերում: Այսպես, 1897 թ. տվյալներով Կարսի մարզում 4439 արտոնյալներից 1970-ը բնակվում էր

<sup>14</sup> «Первая всеобщая перепись...», LXXI, «Эриванская губерния», с. 2, 24, 25.

<sup>15</sup> Նույն տեղում, LXIV, «Карсская область», с. I, LXIII, «Елисаветпольская губерния», с. 2, LXIX, Тифлисская губерния, с. 35—36. Մենք ստիպված ենք եղել վերցնել ամբողջ Շուշվա ու Ղազախի գավառների վերաբերյալ տվյալները, քանի որ անհնարին է դրանցից տարանջատել Արևելյան Հայաստանի շրջանների մասին եղած նյութերը:

քաղաքում, իսկ 2469-ը՝ գյուղում: Այդ նույն թվին Շուշվա գավառում 9669 արտոնյալներից 6234-ը՝ ապրում էր գյուղում, իսկ 3135-ը՝ քաղաքում<sup>16</sup>: Հանգեզուրի ու Ղազարի գավառներում նրանց սոսկ չնչին մասն էր ապրում քաղաքում:

Այժմ անցնենք Արեւելյան Հայաստանի արտոնյալ դասի ազգային կազմի բնութագրմանը: Նախապես նշենք, որ պաշտոնական աղբյուրներն ինչպես ամենուր, այնպես էլ Անդրկովկասում ու Արեւելյան Հայաստանում, բնակչությանը բաժանում էին ոչ այնքան ըստ ազգությունների, որքան ըստ կրոնի: Բայց դա չի խանգարում լուսաբանելու մեզ հետաքրքրող հարցը, քանի որ Արեւելյան Հայաստանում բնակվող յուրաքանչյուր ազգություն ու ժողովուրդ ուներ իր կրոնը:

1865 թ. տվյալներով Երևանի նահանգի արտոնյալ դասը ստորաբաժանվում էր հետևյալ դավանանքների<sup>17</sup>.

Աղյուսակ № 7

| Արտոնյալներ                   | Քրիստոնյաներ (մարդ) |                      |                | Մահմեդականներ (մարդ) |           |
|-------------------------------|---------------------|----------------------|----------------|----------------------|-----------|
|                               | ուղղափառներ         | հայ լուսավորչականներ | հայ կաթոլիկներ | շիաներ               | սյունիներ |
| ժառանգական ազնվականներ        | 101                 | 29                   | 19             | —                    | —         |
| անձնական ազնվականներ          | 177                 | 412                  | —              | —                    | —         |
| մելիքներ                      | —                   | 248                  | —              | —                    | —         |
| զինվորական աստիճան ունեցողներ | —                   | 5                    | —              | —                    | 36        |
| խաներ                         | —                   | —                    | —              | 123                  | —         |
| բեգեր                         | —                   | —                    | —              | 3064                 | —         |
| աղաներ                        | —                   | —                    | —              | 40                   | —         |
| հոգևորականներ                 | 61                  | 3484                 | 71             | 1223                 | —         |
| <b>ընդամենը</b>               | <b>339</b>          | <b>4178</b>          | <b>90</b>      | <b>4450</b>          | <b>36</b> |

Եթե նկատի ունենանք, որ լուսավորչականներն ու կաթոլիկները հայերն էին, ուղղափառները՝ գերազանցապես ռուսները, իսկ մահմեդականները՝ աղբյուրներում չեն նշվում, որ արտոնյալ դասի մեջ ռուսների թիվը 339 էր, հայերինը՝ 4268, աղբյուրներինն ու այլ մահմեդականներինը՝ 4486: Այդպիսով, ընդհանուր առմամբ գերիշխում էին աղբյուրները և այլ մահմեդականները: Բայց հարցը միայն քանակական գերակշռության մեջ չէ, նրանք գերիշխում էին նաև նյութապես, որովհետև մեծ մասամբ բեգեր ու խաներ էին, այսինքն՝ հողատերեր: Հայերի թվաքանակը մեծ էր հոգևորականության մեջ:

1870—1880-ական թվականներին Երևանի նահանգի արտոնյալ դասի ազգային կազմի բնութագրման համար ունենք հետևյալ տվյալները (տե՛ս աղյուսակ № 8)<sup>18</sup>:

№ 8 աղյուսակից երևում է, որ քրիստոնյաները (որոնք գերազանցապես հայեր էին) թե՛ 1870-ական և թե՛ 1880-ական թվականներին անհամեմատ շատ էին, քան մահմեդականները (որոնք առավելապես աղբյուրներ էին): Առանձին քաղաքներում մահմեդական արտոնյալներ նույնիսկ չկային կամ համարյա չկային (Նոր Բայազետ, Ալեքսանդրապոլ), բայց այլ քաղաքներում (Նախիջևան, Օրդուբադ) ու գավառներում (Նախիջևանի, Շարուր-Նարալագյազի, Սուրմալուի) նրանք շարունակում էին կազմել մեծամասնություն:

<sup>16</sup> Նույն տեղում, LXIV, «Карсская область», с. 1, LXIII, «Елисаветпольская губерния», с. 2.

<sup>17</sup> «Сборник статистических сведений о Кавказе», т. I, отд. I, гл. III, с. 10—11.

<sup>18</sup> «Обзор Эриванской губернии» за 1886 г., вед. № 13.

| Քաղաքներն ու<br>գավառները | 1873 թ.      |         |                |         | 1886 թ.      |         |                |         |
|---------------------------|--------------|---------|----------------|---------|--------------|---------|----------------|---------|
|                           | քրիստոնյաներ |         | մահմեդական-ներ |         | քրիստոնյաներ |         | մահմեդական-ներ |         |
|                           | ծուխ         | տղամարդ | ծուխ           | տղամարդ | ծուխ         | տղամարդ | ծուխ           | տղամարդ |
| <b>քաղաքները</b>          |              |         |                |         |              |         |                |         |
| Երևան                     | 145          | 402     | 88             | 239     | 216          | 632     | 99             | 365     |
| Ալեքսանդրապոլ             | 97           | 268     | 2              | 6       | 124          | 354     | —              | —       |
| Նոր Բայազետ               | 16           | 69      | —              | —       | 44           | 114     | —              | —       |
| Նախիջևան                  | 44           | 115     | 79             | 232     | 45           | 119     | 81             | 243     |
| Օրդուբադ                  | 4            | 17      | 23             | 53      | 2            | 9       | 11             | 28      |
| <b>ընդամենը</b>           | 306          | 871     | 192            | 530     | 431          | 1228    | 191            | 636     |
| <b>գավառները</b>          |              |         |                |         |              |         |                |         |
| Երևանի                    | 113          | 436     | 118            | 515     | 117          | 523     | 135            | 573     |
| Ալեքսանդրապոլի            | 201          | 673     | 7              | 45      | 249          | 1036    | 12             | 51      |
| Նոր Բայազետի              | 92           | 291     | 28             | 97      | 112          | 448     | 45             | 152     |
| Նախիջևանի                 | 106          | 340     | 119            | 390     | 107          | 393     | 100            | 434     |
| Սուրմալուի                | 59           | 201     | 71             | 264     | 63           | 257     | 101            | 346     |
| Շարուր-Դարալա-<br>դյազի   | 40           | 150     | 129            | 410     | 51           | 195     | 190            | 356     |
| Էջմիածնի                  | 150          | 631     | 96             | 390     | 235          | 909     | 111            | 509     |
| <b>ընդամենը</b>           | 770          | 2722    | 568            | 2111    | 934          | 3761    | 694            | 2421    |
| <b>հանրագումարը</b>       | 1076         | 3593    | 760            | 2641    | 1365         | 4989    | 885            | 3057    |

1897 թ. մարդահամարի տվյալները հնարավորություն են տալիս պարզելու արտոնյալ դասի առանձին խմբերի ազգային պատկերը<sup>19</sup>:

№ 9 աղյուսակը ցույց է տալիս, որ 1897 թ. Երևանի նահանգում արտոնյալ դասի մեծամասնությունը շարունակում էին կազմել հայերը (10040 մարդ), նրանցից հետո մեծաթիվ էին ադրբեջանցիներն ու այլ մահմեդականները (6344 մարդ), ապա՝ ռուսները (2154 մարդ): Այդ դասի մեջ արդեն նկատելի էին նաև քրդերը: Դա պայմանավորված էր նրանով, որ ցարական կառավարությունը քրդերի մեջ իր սոցիալական հենարանն ամրապնդելու նպատակով բազմաթիվ օբաբաշինների արտոնություններ շնորհեց, նրանց դարձնելով փաստացի հողատերեր ու ջուրատերեր: Մյուս ազգությունների ներկայացուցիչները սակավաթիվ էին: Սակայն արտոնյալ հայերի ճնշող մեծամասնությունը հոգևորականներ էին, մինչդեռ արտոնյալ ադրբեջանցիներն ու այլ մահմեդականները, ռուսներն ու վրացիները մեծ մասամբ ժառանգական ու անձնական ազնվականներ էին: Եթե ադրբեջանցիներն ու այլ մահմեդականները գերազանցապես հողատեր-կալվածատերեր էին, ապա ռուսները, այլ եվրոպացիներն ու վրացիները՝ պաշտոնյաներ և ծառայողներ:

1897 թ. մարդահամարի տվյալներում Կարսի մարզի արտոնյալ դասի ազգային կազմի մասին տեղեկություններ չկան: Ինչ վերաբերում է Արևելյան

<sup>19</sup> «Первая всеобщая перепись...», LXXI, «Эриванская губерния», с. 164.

| Աղյուսակ № 9                   | Ժառանգական ազնվականներ |             | Անձնական ազնվականներ և պաշտոնյաներ |            | Քրիստոնյա հոգևորականներ |             | Ժառանգական ու անձնական պատվավոր քաղաքացիներ |            | Վաճառականներ |            |
|--------------------------------|------------------------|-------------|------------------------------------|------------|-------------------------|-------------|---------------------------------------------|------------|--------------|------------|
|                                | աղա-մարդ               | կին         | աղա-մարդ                           | կին        | աղա-մարդ                | կին         | աղա-մարդ                                    | կին        | աղա-մարդ     | կին        |
| ոռւսներ                        | 550                    | 516         | 474                                | 402        | 34                      | 32          | 83                                          | 56         | 3            | 4          |
| լեհեր                          | 85                     | 29          | 24                                 | 20         | —                       | —           | —                                           | —          | 3            | —          |
| լիտվացիներ ու<br>լատիշներ      | 3                      | 1           | 2                                  | —          | 1                       | —           | —                                           | —          | 1            | —          |
| գերմանացիներ                   | 13                     | 5           | 13                                 | 20         | —                       | —           | 2                                           | 1          | 2            | —          |
| հույներ                        | 4                      | 1           | 7                                  | 7          | 13                      | 12          | —                                           | 1          | 7            | 11         |
| հայեր                          | 288                    | 318         | 486                                | 460        | 3187                    | 2911        | 785                                         | 703        | 430          | 462        |
| բուլղար                        | 431                    | 414         | 5                                  | 5          | 6                       | —           | —                                           | —          | —            | —          |
| հրեաներ                        | 4                      | 6           | 3                                  | 1          | —                       | —           | 3                                           | —          | 1            | 2          |
| վրացիներ                       | 106                    | 59          | 29                                 | 14         | 23                      | 21          | 10                                          | 1          | 2            | 1          |
| լեզգիներ                       | 5                      | —           | 3                                  | —          | —                       | —           | —                                           | —          | —            | —          |
| չեչեններ                       |                        |             |                                    |            |                         |             |                                             |            |              |            |
| չերքեզներ                      |                        |             |                                    |            |                         |             |                                             |            |              |            |
| թուրքեր և աղբյուր-<br>ջանցիներ | 3040                   | 2828        | 80                                 | 48         | 136                     | 117         | 3                                           | 9          | 42           | 41         |
| աուրիներ և ուրիշ-<br>ներ       | —                      | —           | 5                                  | 4          | 22                      | 15          | 1                                           | —          | 1            | 1          |
| <b>ընդամենը</b>                | <b>4529</b>            | <b>4177</b> | <b>1132</b>                        | <b>981</b> | <b>3422</b>             | <b>3108</b> | <b>887</b>                                  | <b>771</b> | <b>492</b>   | <b>522</b> |

Հայաստանի Զանգեզուր, Իջևան—Շամշադին, Լեռնային Ղարաբաղ և Լոռի շրջաններին, ապա առկա են հետևյալ տվյալները (տե՛ս աղ. № 10)<sup>20</sup>,

№ 10 աղյուսակից երևում է, որ Արևելյան Հայաստանի նշված շրջաններում ևս աղբյուրացիներն ու այլ մահմեդականները կազմում էին ժառանգական ազնվականների մեծ մասը, իսկ հայերը գերիշխում էին արտոնյալների մյուս խմբերում։ Որոշակի քանակ էին կազմում նաև ոռւսներն ու վրացիները, իսկ մյուս ազգութիւնների ներկայացուցիչները փոքրաթիվ էին։ Ի տարբերություն Երևանի նահանգի, որտեղ հայ արտոնյալների մեծ մասը հոգևորականներ էին, Արևելյան Հայաստանի նշված շրջաններում նրանք ժառանգական ազնվականներ էին։ Բայց, այդուհանդերձ, Արևելյան Հայաստանի համարյա բոլոր շրջաններում ժառանգական ազնվականների մեջ քանակապես գերիշխում էին աղբյուրացի ու այլ մահմեդականներ։ Դա արդյունք էր այն բանի, որ ցարիզմը պահպանել էր միացման ժամանակ Արևելյան Հայաստանում գոյություն ունեցող մահմեդական կալվածատիրությունը։

Այսպիսով, XIX դ. երկրորդ կեսին Արևելյան Հայաստանում արտոնյալ դասը կազմում էր ազգաբնակչության աննշան փոքրամասնությունը։ Այն բաղկացած էր հիմնականում հայերից, աղբյուրացի ու այլ մահմեդականներից և ոռւսներից։ Մնացած ազգութիւնների ներկայացուցիչները խիստ սակավաթիվ էին։ Բնակչության այդ խավը, վայելելով արտոնություններ,

<sup>20</sup> «Первая всеобщая перепись...», LXIV, «Елисаветпольская губерния», с. 164—174, LXIX, «Тифлисская губерния», с. 272.

| Ազգութիւնները           | Ժառանգական ազնվականներ |             | Անձնական ազնվականներ ու պաշտոնյաներ |            | Գրիստոնյա հոգևորականներ |             | Ժառանգական ու անձնական պատվաւոր քաղաքացիներ |            | Վաճառականներ |           |
|-------------------------|------------------------|-------------|-------------------------------------|------------|-------------------------|-------------|---------------------------------------------|------------|--------------|-----------|
|                         | տղամարդ                | կին         | տղամարդ                             | կին        | տղամարդ                 | կին         | տղամարդ                                     | կին        | տղամարդ      | կին       |
| առևաններ                | 135                    | 112         | 116                                 | 96         | 23                      | 14          | 21                                          | 23         | 1            | 3         |
| լեհներ                  | 19                     | 17          | 6                                   | —          | —                       | —           | 1                                           | —          | —            | —         |
| հույներ                 | 5                      | 7           | 2                                   | 4          | 111                     | 115         | 6                                           | 5          | —            | —         |
| հայեր                   | 1410                   | 1397        | 93                                  | 117        | 1343                    | 1217        | 708                                         | 787        | 11           | 10        |
| քրդեր                   | 37                     | 20          | —                                   | —          | —                       | —           | —                                           | —          | —            | —         |
| թուրքեր և ադրբեջանցիներ | 6772                   | 5687        | 13                                  | 7          | —                       | —           | 38                                          | 72         | —            | —         |
| լիթվացիներ ու լատիշներ  | 1                      | —           | —                                   | —          | 2                       | 1           | —                                           | —          | —            | —         |
| գերմանացիներ            | 81                     | —           | 1                                   | 2          | —                       | 2           | 2                                           | 1          | 1            | —         |
| վրացիներ                | 80                     | 10          | 66                                  | 11         | 18                      | 16          | 10                                          | 3          | 3            | 5         |
| <b>ընդամենը</b>         | <b>8540</b>            | <b>7250</b> | <b>297</b>                          | <b>237</b> | <b>1497</b>             | <b>1365</b> | <b>786</b>                                  | <b>891</b> | <b>16</b>    | <b>18</b> |

Հարստահարում էր մեծամասնութիւնը և, լինելով ցարական կառավարության սոցիալական հենասյուններից մեկը, նպաստում էր նրա հակաժողովրդական, հետադիմական քաղաքականութիւն կենսագործմանը:

### ЧИСЛЕННОСТЬ И НАЦИОНАЛЬНЫЙ СОСТАВ ПРИВИЛЕГИРОВАННОГО СОСЛОВИЯ ВОСТОЧНОЙ АРМЕНИИ ВО ВТОРОЙ ПОЛОВИНЕ XIX в.

АЗАТ АМБАРЯН

#### Резюме

: Привилегированное сословие Восточной Армении состояло из землевладельцев или помещиков, христианского и магометанского духовенства, царских чиновников и купцов. Их количество в различных районах Восточной Армении было разное. По данным переписи 1897 г. они составляли: в Эриванской губернии—2,2, в Карсской области—1,5, в Зангезурском и Казахском уездах—соответственно 4,9 и 3,3 процента всего населения. Почти половина привилегированного сословия были чиновники, военнослужащие, духовенство и купцы, остальная же половина—землевладельцы-помещики. В числе землевладельцев преобладали азербайджанцы, затем армяне, среди духовных лиц и купцов—армяне чиновников и военнослужащих—русские, армяне, грузины и т. д. Эта небольшая кучка, обладая значительным движимым и недвижимым имуществом и пользуясь привилегиями, являлась социальной опорой самодержавия в Восточной Армении.